

ORDO AD FACIENDAM AQVAM BENEDICTAM

(Rit. Rom., tit. IX, cap. II)

Præparato sale et aqua munda benedicenda, Sacerdos superpelliceo et stola violacea indutus, primo dicit:

Ÿ. Adjutórium nostrum in nómine Dómini.

Ÿ. Qui fecit cælum et terram.

Deinde absolute incipit Exorcismum salis:

EXORCÍZO TE, creatúra salis, per Deum **H**ivivum, per Deum **H**verum, per Deum **H**sanctum, per Deum, qui te per Eliséum Prophétam in aquam mitti iussit, ut sanarétur sterilitas aquæ: ut efficiáris sal exorcizátum in salutem credéntium: et sis ómnibus suméntibus te sánitas ánimæ et córporis; et effúgiat, atque discédat a loco, in quo aspérsum fúeris, omnis phantásia, et nequítia, vel versútia diabólicæ fraudis, omnisque spíritus imúndus, adjurátus per eum, qui ventúrus est iudicáre vivos et mórtuos, et sæculum per ignem.

Ÿ. Amen.

Orémus.

Oratio

IMMÉNSAM cleméntiam tuam, omnípotens ætérne Deus, humíliter implorámus, ut hanc creatúram salis quam in usum géneris humáni tribuísti, bene **H**dícere, et sancti **H**ficáre tua pietáte dignéris: ut sit ómnibus suméntibus salus mentis et

córpore: et quidquid ex eo tactum vel respersum fuerit, cáreat omni immundítia, omníque impugnatione spiritalis nequítiae. Per Dóminum nostrum, etc. *℣*. Amen.

Exorcismus aquæ; et dicitur absolute:

EXORCÍZO TE, creatúra aquæ, in nómine Dei ✠ Patris omnipoténtis, in nómine Jesu ✠ Christi Fílii ejus Dómini nostri, et in virtúte Spíritus ✠ Sancti: ut fias aqua exorcizáta ad effugándam omnem potestátem inimíci, et ipsum inimícum eradícare et explantáre váleas cum ángelis suis apostáticis, per virtútem ejúsdem Dómini nostri Jesu Christi: Qui ventúrus est judicáre vivos et mórtuos, et sæculum per ignem. *℣*. Amen.

Orémus.

Oratio

DEUS qui ad salútem humáni géneris, máxima quæque sacraménta in aquarum substántia condidísti; adésto, propítius invocatióibus nostris, et eleménto huic multímodis purificatióibus præparáto, virtútem tuæ bene ✠ dictionis infúnde; ut creatúra tua mystériis tuis sérviens, ad abigéndos dæmones, morbósque pelléndos, divínæ grátiae sumat efféctum, ut quidquid in dómibus, vel in locis fidélium, hæc unda respéserit, cáreat omni immundítia, liberétur a noxa: non illic resídeat spíritus péstilens, non aura corrúmpens: discédant omnes insídiæ laténtis inimíci: et si quid est, quod aut incolumitáti habitántium ínvidet, aut quiéti, asper-

sione hujus aquæ effúgiat: ut salúbritas, per invocatióem sancti tui nóminis expetíta, ab ómnibus sit impugnationíbus defénsa. Per Dóminum nostrum, etc. *℣*. Amen.

Hic ter mittat sal in aquam in modum crucis, dicendo semel:

Commíxtio salis et aquæ páriter fiat, in nómine Pa ✠ tris, et Fí ✠ lii, et Spíritus ✠ Sancti. *℣*. Amen.

℣. Dóminus vobíscum.

℣. Et cum spírítu tuo.

Orémus.

Oratio

DEUS invíctæ virtútis auctor, et insuperábilis impérii Rex, ac semper magníficus triumphátor: qui advérsæ dominatiónis vires réprimis: qui inimíci rugiéntis sævítiám súperas: qui hostíles nequítias poténter expúgnas: te, Dómine, treménte et súpplices deprecámur, ac pétimus: ut hanc creatúram salis et aquæ dignánter aspícias, benígnum illústres, pietátis tuæ rore sanctífices; ut ubicúmque fuerit aspérsa, per invocatióem sancti nóminis tui, omnis infestátió immúndi spíritus abigátur: terrórque venenósi serpéntis procul pellátur: et præsentia Sancti Spíritus nobis miserícórdiam tuam poscéntibus, ubíque adéssé dignétur. Per Dóminum nostrum Jesum Christum, Fílium tuum: Qui tecum vivit et regnat in unitáte ejúsdem Spíritus Sancti Deus, per ómnia sæcula sæculórum. *℣*. Amen.